



জাগরণ

THE FIRST DAILY OF TRIPURA

গৌরবের ৭০ তম বছর



JAGARAN ■ 70 Years ■ Issue-348 ■ 26 September, 2024 ■ আগরতলা ২৬ সেপ্টেম্বর, ২০২৪ ইং ■ ৯ অশ্বিন, ১৪৩১ বঙ্গাব্দ, বৃহস্পতিবার ■ RNI Regn. No. RN 731/57 ■ Founder : J.C.Paul ■ মূল্য ৩.৫০ টাকা ■ আট পাতা

ত্রুণাদের ডবিষ্যৎ সুরক্ষার জন্য নির্ণায়ক পদক্ষেপ

প্রশ্নপত্র ফাঁস রাখতে কঠোর আইন রূপায়ণ

মোদী ৩.০ -র ১০০ দিন বিকশিত ভারতের পথ সুগম করা

ভূস্বর্গে দ্বিতীয় দফায় নির্বিঘ্নে ভোট

বিকাল ৫টা পর্যন্ত প্রায় ৫০ শতাংশ ভোট পড়েছে

শ্রীনগর, ২৫ সেপ্টেম্বর (হি.স.)। বৃহস্পতি সকাল সাড়ে ৬টা থেকে জম্মু ও কাশ্মীরে শুরু হয় ভোটগ্রহণ। প্রথম দফার মতো দ্বিতীয় দফাতেও যাতে শান্তি পূর্ণ ভোট হয় তা নিশ্চিত করতে কড়া নিরাপত্তা ব্যবস্থা করা হয়েছিল প্রশাসন ও নির্বাচন কমিশনের তরফে। এদিন বিকাল ৫টা পর্যন্ত ভোটদানের হার প্রায় ৫০ শতাংশ।

বদগামে ৫৮.৯৭ শতাংশ, গান্ডেরবালে ৫৮.৮১ শতাংশ, পুঞ্জে ৭১.৫৯ শতাংশ, রাজৌরিতে ৬৭.৭৭ শতাংশ, রিয়াসিতে ৭১.৮১ শতাংশ আর শ্রীনগরে ভোট পড়েছে ২৭.৩১ শতাংশ ভোট পড়েছে দুপুর ১টা পর্যন্ত।



প্রশান্ত মুখামন্ত্রী তথা ন্যাশনাল কনফারেন্স নেতা ও মর আবদুল্লাহ-সহ মোট ২৩৯ জন প্রার্থী রয়েছেন বৃহস্পতির দ্বিতীয় দফার নির্বাচনী লড়াইয়ে। ওমর এবার লড়াইয়ে দুটি কেন্দ্রে থেকে। একটি বদগাম, আরেকটি গান্ডেরবাল। ওমর ছাড়াও জম্মু ও কাশ্মীরের প্রদেশ কংগ্রেস সভাপতি তারিক হামিদ কাডুরা, বিজেপির রাজ্য সভাপতি রবীন্দ্র রায়না, জম্মু ও কাশ্মীর আপনি পার্টির প্রধান আলতাফ বুখারির মতো হেভিওয়েট প্রার্থীদের ভাগ্যপরীক্ষা বৃহস্পতি। এদিন এক্স হাতেলে পোস্ট করে

ভোটদানের আর্জি জানান প্রধানমন্ত্রী নরেন্দ্র মোদী। তিনি লেখেন, আজ জম্মু-কাশ্মীরে দ্বিতীয় দফার ভোট গ্রহণ। আমি সমস্ত ভোটারদের কাছে আর্জি জানাই আপনারা ভোট দিন এবং গণতন্ত্রকে মজবুত করতে নিজের গুরুত্বপূর্ণ ভূমিকা পালন করুন। জম্মু ও কাশ্মীরের নির্বাচনে নৌসেরা কেন্দ্রের বিজেপি প্রার্থী রবিন্দ্র রায়না সকাই হাজির হন ভোট দিতে। তিনি রাজৌরি জেলার লাম্বারি এলাকার একটি ভোট কেন্দ্রে ভোট দিয়েছেন। রবিন্দ্র রায়না বলেন, আজ গণতন্ত্রের জন্য একটি তাৎপর্যপূর্ণ দিন। কারণ জম্মু ও কাশ্মীরের দ্বিতীয় দফার নির্বাচনে ভোটাররা উৎসাহের সঙ্গে ভোটে অংশগ্রহণ করছে। নৌসেরা আপনার সীমান্তবর্তী এলাকায় ভোটারদের সংখ্যা বেশি।

কেন্দ্রীয় মন্ত্রী গাজেদ্র সিং

পণ্ডিত দীনদয়াল উপাধ্যায়ের জন্মজয়ন্তী উপলক্ষে রাজ্যভিত্তিক অনুষ্ঠানে দেশের কল্যাণে তাঁর পরিকল্পনা ছিল দূরদর্শিতায় পরিপূর্ণ : মুখ্যমন্ত্রী



নিজস্ব প্রতিনিধি, আগরতলা, ২৫ সেপ্টেম্বর। পণ্ডিত দীনদয়াল উপাধ্যায় ছিলেন একজন প্রখর রাষ্ট্রবাদী পুরুষ ও একজন মানবতাবাদের প্রগোতা। স্বাধীনতার ভারতবর্ষে উন্নয়ন ও জনকল্যাণে কি কি পথ অবলম্বন করতে হবে তা পণ্ডিত দীনদয়াল উপাধ্যায়ের জীবন দর্শন, সাহিত্য রচনার মধ্যে বারবার ফুটে উঠেছে। বৃহস্পতি রবীন্দ্র শতবার্ষিকী ভবনে পণ্ডিত দীনদয়াল উপাধ্যায়ের রাজ্যভিত্তিক জন্মজয়ন্তী উপলক্ষে শ্রদ্ধাঞ্জলি অনুষ্ঠানের উদ্বোধন করে একথা বলেন মুখ্যমন্ত্রী প্রফেসর ডাঃ মানিক সাহা।

পানীয় জলের দাবিতে জাতীয় সড়ক অবরোধের হুমকি জনজাতিদের

নিজস্ব প্রতিনিধি, আগরতলা, ২৫ সেপ্টেম্বর। দীর্ঘ বছর ধরে পানীয় জলের সমস্যা সমাধানের কোন পদক্ষেপ নেই। অতিসবুর সমাধান না হলে জাতীয় সড়ক অবরোধের হুমকি স্থানীয়দের।

শ্রীলতাহানির শিকার ছাত্রী অভিযোগ

নিজস্ব প্রতিনিধি, আগরতলা, ২৫ সেপ্টেম্বর। গৃহ শিক্ষকের দ্বারা শ্রীলতাহানির শিকার হয়েছে ১২ বছর বয়সী ছাত্রী। ওই ঘটনায় ২৯ কৃষ্ণপুর বিধানসভা এলাকায় তীব্র উত্তেজনা ছড়িয়েছে। এমনটাই অভিযোগ তুলে ওই ছাত্রীর পিতা তেলিগুমড়া থানায় মামলা দায়ের করেছেন।

ইন্ডিয়া বুক অফ রেকর্ডসে সাফল্য রাজ্যের মেয়ে বুমা দেবনাথের

নিজস্ব প্রতিনিধি, কুমারঘাট, ২৫ সেপ্টেম্বর। ইন্ডিয়া বুক অফ রেকর্ডসে সাফল্য অর্জন করলো ত্রিপুরার মেয়ে দেবনাথ। তাস দিয়ে ভারতের মানচিত্র তৈরী করে এই কৃতিত্ব পেলে বুমা। উনকোটি জেলার ফটিকরায় সাধারণপাড়ার একটি সাধারণ ঘরের মেয়ের এই সাফল্যে খুশি তার মা-বাবা সহ পরিবারের লোক ও গোটা জেলাবাসী।

অর্থ সহ স্বর্ণালঙ্কার নিয়ে চম্পট দিল চোর

নিজস্ব প্রতিনিধি, ধর্মনগর, ২৫ সেপ্টেম্বর। আবারো খালি ঘরের সুযোগকে কাজে লাগিয়ে নগদ টাকা সহ সোনার জিনিস নিয়ে গেল চোরের দল। ঘটনা ধর্মনগর নোয়াপাড়া গ্রামে।

বিশ্ব পর্যটন দিবসে

পর্যটন এবং শান্তি ভাবনাটি জাতি ও সংস্কৃতির মধ্যে সেতু বন্ধনে ভূমিকা নেবে : সুশান্ত

নিজস্ব প্রতিনিধি, আগরতলা, ২৫ সেপ্টেম্বর। প্রতিবছর সারা বিশ্ব তথা দেশের সাথে ত্রিপুরা রাজ্যেও বিশ্ব পর্যটন দিবসটিকে নানা কর্মসূচির মধ্য দিয়ে উদযাপন করা হয়ে থাকে। এবছর বিশ্ব পর্যটন দিবস রাজ্যে এক নতুন আঙ্গিকে ও কর্মসূচির মধ্য দিয়ে উদযাপন করা হবে।



ভাবনাটি জাতি ও সংস্কৃতির মধ্যে সেতু বন্ধনে, শান্তি ও যোগাযোগ বৃদ্ধিতে গুরুত্বপূর্ণ ভূমিকা পালন করবে।

একাধিক দাবিতে সিটুর গণডেপুটেশন




নিজস্ব প্রতিনিধি, আগরতলা, ২৫ সেপ্টেম্বর। দুর্গোৎসবের আগে বোনাস, এক্সপ্রেসিয়া, কাজ, খাদ্য, মজুরী বৃদ্ধি, অস্থায়ী কর্মীদের স্থায়ীকরণ ও বন্যা আনের দাবিতে সর্বব হয়েছে সি আই টি ইউ ত্রিপুরা রাজ্য কমিটি। আজ রাজপথে বিক্ষোভ মিছিল করে শ্রম কমিশনারের নিকট গণ ডেপুটেশনে মিলিত হয়েছে বাম নেতৃত্বদ্বারা।

জেআরবিটি : অপেক্ষামান তালিকা প্রকাশের দাবি যুব কংগ্রেসের

নিজস্ব প্রতিনিধি, আগরতলা, ২৫ সেপ্টেম্বর। আবারো মেধা তালিকার পাশাপাশি অপেক্ষামান তালিকা প্রকাশ সহ দুই দফা দাবিতে জেআরবিটির দপ্তরের ডেপুটেশনে মিলিত হয়েছে প্রদেশ যুব কংগ্রেস।

বিদ্যুৎপৃষ্ঠ হয়ে নিহত এক, আহত তিন

নিজস্ব প্রতিনিধি, বিলোনিয়া, ২৫ সেপ্টেম্বর। বিদ্যুৎপৃষ্ঠ হয়ে নিহত হয়েছেন এক আহত তিনজন। ঘটনাটি ঘটে বৃহস্পতি দুপুর দেড়টায় বিলোনিয়া থানাধীন এক নং টিলা মধ্যপাড়া এলাকার চন্দন মজুমদারের বাড়িতে।



স্পোর্টস কাউন্সিলের আন্তঃ প্লে সেন্টার ভলিবল ও হ্যান্ডবল প্রতিযোগিতা অনুষ্ঠিত

ক্রীড়া প্রতিনিধি, আগরতলা।। ত্রিপুরা স্পোর্টস কাউন্সিল আয়োজিত আন্তঃ প্লে সেন্টার ভলিবল ও হ্যান্ডবল প্রতিযোগিতা বেশ উৎসাহ উদ্দীপনার মধ্য দিয়ে অনুষ্ঠিত হয়েছে। সকাল আটটায় উমাকান্ত একাডেমির সামনের মাঠে আনুষ্ঠানিক উদ্বোধনের মধ্য দিয়ে প্রতিযোগিতার সূচনা হয়েছে। প্রথম খেলায় খোয়াই প্লে সেন্টার ২৫-১৬, ২৫-২৩ পর্যায়ে ২-০ সেটে উমাকান্ত প্লে সেন্টারকে পরাজিত করেছে। দ্বিতীয় খেলায়ও খোয়াই প্লে সেন্টার ২৫-১৬, ২৫-২২ পর্যায়ে ২-০ সেটে এডি নগর প্লে সেন্টার কে পরাজিত করেছে। তৃতীয় খেলায় আবার এ.ডি. নগর প্লে সেন্টার ২৫-২০, ২৫-২০ পর্যায়ে ২-০ সেটে উমাকান্ত প্লে সেন্টারকে হারিয়েছে। মেয়েদের বিভাগে প্রথম খেলায় এডি নগর প্লে সেন্টার ২৫-২০, ২৫-২০ পর্যায়ে ২-০ সেটে খোয়াই প্লে সেন্টারকে পরাজিত করেছে। চূড়ান্ত পর্যায়ের খেলায় বালকদের বিভাগে খোয়াই প্লে সেন্টার ২৫-১৬ ও ২৫-২৩ পর্যায়ে উমাকান্ত প্লে সেন্টারকে হারিয়ে চ্যাম্পিয়ন খেতাব পেয়েছে। বিজিত উমাকান্ত প্লে সেন্টার পেয়েছে রানার্স আপ খেতাব। বালিকা বিভাগে এ ডি নগর প্লে সেন্টার চ্যাম্পিয়ন এবং খোয়াই প্লে সেন্টার রানার্স হয়েছে। হ্যান্ডবল ইভেন্টে বালিকাদের বিভাগে প্রথম খেলায় শ্রীকৃষ্ণ প্লে সেন্টার ৮-২ গোলে বাধার ঘাট প্লে সেন্টার কে পরাজিত করেছে। দ্বিতীয় খেলায় শ্রীকৃষ্ণ প্লে সেন্টার ১২-২ গোলে চেবরি প্লে সেন্টারকে হারিয়েছে। বালক বিভাগের খেলায় প্রগতি প্লে সেন্টার ৫-৪ গোলে বাধার ঘাট প্লে সেন্টারকে এবং শ্রীকৃষ্ণ প্লে সেন্টার ৯-৪ গোলে রামঠাকুর প্লে সেন্টারকে পরাজিত করেছে। পরবর্তী ম্যাচে চেবরি ইংলিশ মিডিয়াম স্কুল ৫-৪ গোলে প্রগতি প্লে সেন্টারকে এবং অপর খেলায় চেবরি ইংলিশ মিডিয়াম স্কুল ৩-২ গোলে বাধারঘাট প্লে সেন্টার কে পরাজিত করেছে। চূড়ান্তপর্যায়ের খেলায় চেবরি ইংলিশ মিডিয়াম স্কুল ৪-৩ গোলে শ্রীকৃষ্ণ প্লে সেন্টারকে হারিয়েছে।

ব্লাডমাউথের জয় রুখে সুপারে খেলা নিশ্চিত রামকৃষ্ণ ক্লাবের

ক্রীড়া প্রতিনিধি, আগরতলা।। সিনিয়র লীগের খেলা ফের ড্র-তে নিষ্পত্তি। তাও রামকৃষ্ণ ও ব্লাডমাউথ ক্লাবের ভাইটাল ম্যাচ। দুই-দুই গোলে ড্র তে নিষ্পত্তি হওয়ায় দু-দল এক-এক করে পয়েন্ট ভাগ করে নিয়েছে। আখেরে ড্র-এর মধ্য দিয়ে লীগ অভিযান শেষ করে রামকৃষ্ণ ক্লাব সুপার ফোর-এ খেলা নিশ্চিত করে নিয়েছে। শ্যাম সূন্দর কোং জুয়েলার্স চন্দ্র মেমোরিয়াল সিনিয়র ক্লাব লিগ আসরে দ্বিতীয় দল হিসেবে সুপারে জয়গা করে নিলে রামকৃষ্ণ ক্লাব। লিগে রামকৃষ্ণ ক্লাবের সংগ্রহ ৯ ম্যাচে ১৭ পয়েন্ট। অন্যদিকে ব্লাডমাউথ ক্লাবের সংগ্রহ ৮ ম্যাচে ১৬ পয়েন্ট। লিগে ব্লাডমাউথ ক্লাব শেষ ম্যাচে খেলতে নামবে এগিয়ে চল সংঘের বিরুদ্ধে। এই ম্যাচে এগিয়ে চল সংঘের বিরুদ্ধে জয় ছাড়া বিকল্প নেই ব্লাডমাউথ ক্লাবের। বৃধবার উমাকান্ত মিনি স্টেডিয়ামে আয়োজিত দিনের প্রথম ম্যাচে মুখোমুখি হয় ব্লাডমাউথ ক্লাব ও রামকৃষ্ণ ক্লাব। ম্যাচটি ২-২ গোলে ড্র করে পয়েন্ট ভাগাভাগি করে নেয় উভয় দল। এদিনের ম্যাচে নামার আগে ব্লাডমাউথ ক্লাবের সংগ্রহ ছিলো ৭ ম্যাচে ১৫ পয়েন্ট ও রামকৃষ্ণ ক্লাবের সংগ্রহ ছিলো ৮ ম্যাচে ১৬ পয়েন্ট। ফলে এদিনের ম্যাচটি ভাইটাল ছিলো উভয় দলের কাছে। খেলার ২০ মিনিটের মাথায় ব্লাডমাউথের লাম বাম ববিস একটি গোল করে দলকে এগিয়ে দেয়। রামকৃষ্ণ ক্লাবের ছেলেরা গোলটি শোধ করার লক্ষ্যে যথেষ্ট চেষ্টা করেও প্রথমার্ধে পেরে উঠেনি। দ্বিতীয়ার্ধের ১৩ মিনিটের মাথায় সরখাই মেধি গোলটি শোধ করে খেলায় সমতা ফিরিয়ে আনে। তবে পাঁচ মিনিট বাদেই ফের ব্লাডমাউথের ফান জোভান সিং আরেকটি গোল করে দলকে পুনরায় এগিয়ে দেয়। তবে খেলার অন্তিম পর্যায়ে শেষ বাঁশির দু মিনিট আগে রামকৃষ্ণ ক্লাবের নিমজানো সিং পুনরায় গোল শোধ করে খেলায় সমতা নিয়ে আসে। শেষ পর্যন্ত দুই দুই গোলে ম্যাচ ড্র তে নিষ্পত্তি হয়। যদিও এদিন ম্যাচ শেষে শুরু হয় মাঠে উত্তেজনা। একদল উশুংখল যুবক মাঠে প্রবেশ করে টি.এফ.এ-র মাঠ কর্মী দিশেশ বাবাকরের গায়ে হাত তোলে। ঘটনার সূত্রপাত ঘটে চতুর্থ রেফারির অতিরিক্ত সময় দেখানো নিয়ে। রেফারি পল্লব চক্রবর্তী অতিরিক্ত সময় দেখানো কে নজর দেন নি ব্লাডমাউথ ক্লাবের সমর্থকরা। যা নিয়ে শুরু হয় বাদানুবাদ। ম্যাচ পরিচালনায় ছিলেন রেফারি তাপস দেবনাথ, সত্যজিৎ দেব রায়, সুকান্ত দত্ত ও পল্লব চক্রবর্তী।

বিলোনিয়ায় রাজ্য স্কুল ক্রীড়ার কাবাডি প্রতিযোগিতার আসর চলছে

ক্রীড়া প্রতিনিধি, আগরতলা।। স্কুল স্তরীয় অনূর্ধ্ব ১৭ কাবাডি প্রতিযোগিতার আসর হলেও উৎসাহ উদ্দীপনায় কোনও ঘাটতি নেই। অনূর্ধ্ব ১৭ রাজ্য স্তরীয় স্কুল ক্রীড়ার কাবাডি প্রতিযোগিতা শুরু হয়েছে আজ, বৃধবার থেকে। আনুষ্ঠানিক উদ্বোধনের পর একটি ম্যাচ অনুষ্ঠিত হলেও পরবর্তী খেলা গুলো আগামীকাল ও ২৭ সেপ্টেম্বরের অনুষ্ঠিত হবে বলে প্রতিযোগিতার সূচি তৈরি করা হয়েছে। বিলোনিয়া দ্বাদশ শ্রেণী স্কুল মাঠে বর্ণাঢ্য এক অনুষ্ঠানে প্রতিযোগিতার আনুষ্ঠানিক উদ্বোধন করেন রাজ্য মন্ত্রিসভার সদস্য গুণ্ডা চরণ নোয়াতিয়া। অনুষ্ঠানে অন্যান্যদের মধ্যে বিধায়ক মালহিফু মগ, জিলা সভাপতি দীপক দত্ত এবং অন্যান্য আধিকারিক ও কর্মকর্তা বৃন্দ উপস্থিত ছিলেন। রাজ্যের সব কটি জেলা থেকে ১৬০ জন খেলোয়াড় ও অফিসিয়াল এই প্রতিযোগিতায় অংশ নিয়েছেন। আনুষ্ঠানিক উদ্বোধনের পর খোয়াই ও সিপাহীজলা জেলা দল উদ্বোধনী ম্যাচে পরস্পরের বিরুদ্ধে খেলেছে।

জাতীয় ক্রিকেটের জন্য ২০ সদস্যের সিনিয়র মহিলা রাজ্য দল ঘোষিত

ক্রীড়া প্রতিনিধি, আগরতলা।। রাজ্য দল ঘোষণা করা হয়েছে। সিনিয়র মহিলাদের রাজ্য ক্রিকেট দল। জাতীয় স্তরের সিনিয়র মহিলা ক্রিকেট টুর্নামেন্টে অংশ নেওয়ার জন্য টিসিএ সচিব সূত্রত দে ২০ সদস্য বিশিষ্ট রাজ্য দল আজ, বৃধবার ঘোষণা করেছেন। রাজ্য দলের ক্রিকেটাররা হলেন: অন্নপূর্ণা দাস, মৌচৈতি দেবনাথ, প্রিয়ান্কা আচার্য, ঋজু সাহা, নিকিতা দেবনাথ, মামন রবিদাস, মৌচৈতী দে, অশ্বেশা দাস, সুলক্ষণা রায়, প্রিয়ান্কা সাহা, পূজা পাল, পূজা দাস, ইন্দ্র রানী জমাতিয়া, শিউলি চক্রবর্তী, অস্মিকা দেবনাথ, সুরভী রায়, সুপ্রিয়া দাস, অনামিকা দাস, তামান্না নিগম, রেশমা নায়েক। কোচ নারায়ণ চন্দ্র দেব ও রুমা দাস। বাছাইকৃত ক্রিকেটারদের ২৭ সেপ্টেম্বর সকাল ১০ টায় এমবিবি স্টেডিয়ামে রিপোর্ট করতে বলা হয়েছে।

কেরালায় খেলো ইন্ডিয়া জাতীয় আসরে ত্রিপুরার জুডোকা তানিয়ার স্বর্ণপদক

ক্রীড়া প্রতিনিধি, আগরতলা।। খেলো ইন্ডিয়া জাতীয় আসরে ত্রিপুরার জুডোকা তানিয়া দাস স্বর্ণপদক পেয়েছে। কেরালার ত্রিশুড়ে আয়োজিত খেলো ইন্ডিয়া জাতীয় জুডো চ্যাম্পিয়নশিপে মহিলা বিভাগে ৪৪ কেজি ক্যাটাগরিতে উদয়পুরের ফ্লাওয়ার্স ক্লাব পরিচালিত বিবেকানন্দ জুডো সেন্টারের তানিয়া দাস প্রথম স্থান অধিকার করে স্বর্ণপদক পেয়েছে। তানিয়ার সাফল্যে ফ্লাওয়ার্স ক্লাব অধিষ্টি এবং বিবেকানন্দ জুডো সেন্টার যেমন খুশি, পাশাপাশি রাজ্য মন্ত্রিসভার সদস্য পনজিৎ সিংহ রায়ও স্বর্ণপদক বিজয়ী তানিয়া এবং তার কোচ ডঃ মিহির শীলকেও অভিনন্দন জানিয়েছেন।

সৃষ্টির প্রেরণায় নতুন প্রতিশ্রুতি

উন্নত মুদ্রণ

সাদা, কালো, রঙিন
নতুন ধারায়

রেণ্বো প্রিন্টিং ওয়ার্কস

জাগরণ ভবন, (লক্ষ্মীনারায়ণ মন্দির সংলগ্ন), এন এল বাড়ি লেইন
প্রভুবাড়ী, বনমালীপুর, আগরতলা, ত্রিপুরা পশ্চিম - ৭৯৯০০১
মোবাইল : ৯৪৩৬১২৩৭২০
ই-মেল : rainbowprintingworks@gmail.com

